

大唐西域記卷十一

二十三國

僧伽羅國

雖非印度之國路次附出恭建那補羅國

摩訶刺侏國

跋祿羯昌葉反帖婆國

摩臘婆國

阿吒釐國

契吒國

伐臘毗國

阿難陀補羅國

蘇刺侏國

瞿折羅國

鄔闍衍那國

擲枳陀國

摩醯濕伐羅補羅國

信度國

茂羅二部盧國

鉢伐多國

阿點婆翅羅國

大唐西域記卷十一

一

狼揭羅國

波刺斯國雖非印度之國路次附出舊曰波斯

臂多勢羅國

阿傘茶國

伐刺拏國

僧伽羅國周七千餘里國大都城周四十餘里土地沃壤氣序溫暑稼穡時播花果具繁人戶殷盛家產富饒其形卑黑其性橫烈好學尚德崇善勸福此國本寶渚也多有珍寶棲止鬼神其後南印度有一國王女娉隣國吉日送歸路逢師子侍衛之徒棄女逃難女在輦中心甘喪命時師子王負女而去入深山處幽谷捕鹿採果以時資給既積歲月遂孕男女形貌同人性種畜也男漸長大格猛獸年方弱冠人智斯發請其母曰於我何謂乎父則野獸母乃是人既非族類如

何配偶母乃述昔事以告其子子曰人畜殊塗宜速逃逝母曰我先已逃不能自濟其子於後逐師子父登山踰嶺察其遊止可以逃難何父去已遂擔負母妹下趨人里母曰宜各慎密勿說事源人或知聞輕鄙我等於是至父本國國非家族宗祀已滅投寄邑人人謂之曰爾曹何國人也曰我本此國流離異域子母相攜來歸故里人皆哀愍更其資給其師子王還無所見追戀男女憤志既發便出山谷往來村邑咆哮震吼暴害人物殘毒生類邑人輒出遂取而殺擊鼓吹貝負弩持矛羣從成旅然後免害其王懼仁化之不洽也乃縱獵者期於擒獲王躬率四兵衆以萬計掩薄林藪彌跨山谷師子震吼人畜辟易既不擒獲尋復招募其有擒執師子除

國患者當酬重賞式旌茂績其子聞上之令乃謂母曰飢寒已甚宜可應募或有所得以相撫育母曰言不可若是彼雖畜也猶謂父焉豈以艱辛而興逆害子曰人畜異類禮義安在旣以違阻此心何冀乃袖小刀出應招募是時千衆萬騎雲屯霧合師子踞在林中人莫敢近子卽其前父遂馴伏於是乎親愛忘怒乃刺刃於腹中尙懷慈愛猶無忿毒乃至刳腹含苦而死王曰斯何人哉若此之異也誘之以福利震之以威禍然後具陳始末備述情事王曰逆哉父而尙害況非親乎畜種難馴凶情易動除民之害其功大矣斷父之命其心逆矣重賞以酬其功遠放以誅其逆則國典不虧王言不貳於是裝一大船多儲糧糗母留在國周給賞功子女各從

一舟隨波飄蕩其男船泛海至此寶渚見豐珍玉便於中止
其後商人採寶復至渚中乃殺其商主留其子女如是繁息
子孫衆多遂立君臣以位上下建都築邑據有疆域以其先
祖擒執師子因舉元功而爲國號其女船者泛至波刺斯西
神鬼所魅產育羣女故今西大女國是也故師子國人形貌
卑黑方頤大頰情性獷烈安忍鳩毒斯亦猛獸遺種故其人
多勇健斯一說也

佛法所記則曰昔此寶洲大鐵城中五百羅刹女之所居也
城樓之上豎二高幢表吉凶之相有吉事吉幢動有凶事凶
幢動恒伺商人至寶洲者便變爲美女持香花奏音樂出迎
慰問誘入鐵城樂讌歡會已而置鐵牢中漸取食之時瞻部

大唐西域記卷十一

三

洲有大商主僧伽者其子字僧伽羅父旣年老代知家務與
五百商人入海採寶風波飄蕩遇至寶洲時羅刹女望吉幢
動便賫香花鼓奏音樂相攜迎候誘入鐵城商主於是對羅
刹女王歡娛樂會自餘商侶各相配合彌歷歲時皆生一子
諸羅刹女情疏故人欲幽之鐵牢便伺商侶時僧伽羅夜感
惡夢知非吉祥竊求歸路遇至鐵牢乃聞悲號之聲遂昇高
樹問口誰相拘繫而此怨傷曰爾不知耶城中諸女並是羅
刹昔誘我曹入城娛樂君旣將至幽牢我曹漸充所食今已
大半君等不久亦遭此禍僧伽羅曰當圖何計可免危難對
曰我聞海濱有一天馬至誠祈請必相濟渡僧伽羅聞已竊
告商侶共望海濱專精求救是時天馬來告人曰爾輩各執

我毛鬣不迴顧者我濟汝曹越海免難至贍部洲吉達鄉國
諸商人奉指告專一無貳執其毛鬣天馬乃騰驥雲路越濟
海岸諸羅刹女忽覺夫逃遞相告語異其所去各攜稚子凌
虛往來知諸商人將出海濱遂相召命飛行遠訪尙未踰時
遇諸商侶悲喜俱至涕淚交流各掩泣而言曰我惟感遇幸
會良人室家有慶恩愛已久而今遠棄妻子孤遺悠悠此心
誰其能忍幸願留顧相與還城商人之心未肯迴慮諸羅刹
女策說無功遂縱妖媚備行矯惑商侶愛戀情難堪忍心疑
去留身皆退墮羅刹諸女更相拜賀與彼商人攜持而去僧
伽羅者智慧深固心無滯累得越大海免斯危難時羅刹女
王空還鐵城諸女謂曰汝無智畧爲夫所棄旣寡藝能宜勿

大唐西域記卷十一

居此時羅刹女王持所生子飛至僧伽羅何縱極媚惑誘請
令還僧伽羅口誦神咒手揮利劍叱而告曰汝是羅刹我乃
是人人鬼異路非其匹合苦苦相逼當斷汝命羅刹女知誇
惑之不遂也凌虛而去至僧伽羅家謂其父僧伽曰我是某
國王女僧伽羅娶我爲妻生一子矣賫持寶貨來還鄉國泛
海遭風舟楫漂沒唯我子母及僧伽羅僅而獲濟山川道阻
凍餒艱辛一言忤意遂見棄遺詈言不遜罵爲羅刹歸則家
國遼遠止則孤遺羈旅進退無依敢陳情事僧伽曰誠如所
言宜時卽入室居未久僧伽羅至父謂之曰何重財寶而輕
妻子僧伽羅曰此羅刹女也則以先事具白父母而親宗戚
屬咸事驅逐時羅刹女遂以訴王王欲罪僧伽羅僧伽羅曰

羅刹之女情多妖惑王以爲不誠也而情悅其淑美謂僧伽羅曰必棄此女今留後宮僧伽羅曰恐爲災禍斯旣羅刹食唯血肉王不聽僧伽羅之言遂納爲妻其後夜分飛還寶渚召餘五百羅刹鬼女共至王宮以毒咒術殘害宮中凡諸人畜食肉飲血持其餘屍還歸寶渚旦日羣臣朝集王門閉而不開候听久之不聞人語於是排其戶闢其門相從趨進遂至宮庭聞其無人唯有骸骨羣官僚佐相顧失圖悲號慟哭莫測禍源僧伽羅具告始末臣庶信然禍自招矣於是國輔老臣羣官宿將歷問明德推據崇高咸仰僧伽羅之福智也乃相議曰夫君人者豈苟且哉先資福智次體明哲非福智無以享寶位非明哲何以理機務僧伽羅者斯其人矣夢察

禍机感應天馬忠以諫主智足謀身歷運在茲惟新成詠衆庶樂推尊立之爲王僧伽羅辭不獲免允執其中恭揖羣官遂卽王位於是沿革前弊表式賢良乃下令曰吾先商侶在羅刹國死生莫測善惡不分今將救難宜整兵甲拯危恤患國之福也收珍藏寶國之利也於是治兵浮海而往時鐵城上凶幢遂動諸羅刹女覩而惶怖便縱妖媚出地誘誑王素知其詐令諸兵士口誦神咒身奮武威諸羅刹女躡墜退敗或逃隱海島或沉溺洪流於是毀鉄城破鉄牢救得商人多獲珍寶招募黎庶遷居寶洲建都築邑遂有國焉因以王名而爲國號僧伽羅者則釋迦如來本生之事也

僧伽羅者先時唯宗淫祀佛去世後第一百年無憂王弟歷

醯因陀羅捨離欲愛志求聖果得六神通具八解脫足步虛空來遊此國宏宣正法流布遺教自茲已降風俗淳信伽藍百所僧徒二萬餘人遵行大乘上座部法佛教至後二百餘年名擅專門分成二部一曰摩訶毗訶羅住部斥大乘習小乘二曰阿跋耶祇釐住部學兼二乘宏演三藏僧徒乃戒行貞潔定慧凝明儀範可師濟濟如也

王官側有佛牙精舍高數百尺瑩以珠珍飾之奇寶精舍上建表柱置鉢曇摩羅伽大寶寶光赫奕聯暉照曜晝夜遠望爛若明星王以佛牙日三灌洗香水香末或濯或焚務極珍奇式修供養

僧伽羅國古之師子國又曰無憂國卽南印度其地多奇寶

大唐西域記卷十一

又名寶渚昔釋迦牟尼佛化身名僧伽羅佛諸德兼備國人推尊爲王故國亦以僧伽羅爲號也以大神通力破大鉄城滅羅刹女拯恤危難於是建都築邑化導是方宣流正教示寂留牙在於茲土金剛堅固歷劫不壞寶光遙燭如星燦空如月炫霄如太陽麗晝凡有禱禳應答如響國有凶荒災異

精意懇祈靈祥隨至

今之錫蘭山卽古之僧伽羅國也王官側有佛牙精舍飾以衆寶輝光赫奕累

世相承敬禮不衰今國王軻烈苦柰兒鎖里人也崇祀外道不敬佛法暴虐兇悖靡恤國人褻慢佛牙大明永樂三年皇帝遣中使太監鄭和奉香花往詣彼國供養鄭和勸國王阿烈苦柰兒敬崇佛教遠離外道王怒卽欲加害鄭和知其謀遂去後復遣鄭和往賜諸番并賜錫蘭山國王王益慢不恭欲圖害使者用兵五萬人刊木寒道分兵以劫海舟會其下預泄其机鄭和等覺亟回舟路已阨絕潛遣人出舟師拒之和以兵三千夜由間道攻入王城守之其劫海舟番兵乃與其國內番兵四面來攻合雷數重攻戰六日和等執其王凌晨開門伐木取道且戰且行凡二十餘里抵幕始達舟當就

禮請佛牙至舟，靈異非常，光彩照耀如前。所云訶靈震驚遠見，隱避歷涉巨海，凡數十萬里，風濤不驚如履平地。獬龍惡魚紛出乎前，恬不為害。舟中之人皆安穩快樂，永樂九年七月初九日，至京師。皇帝命於皇城內莊嚴旃檀金剛寶座，貯之。式修供養，利益有情。祈福民庶，作無量功德。佛牙精舍側有小精舍，亦以眾寶而為瑩飾。中有金佛像，此國先王等身而鑄，肉髻則貴寶飾焉。其後有盜，伺欲竊取，而重門周檻，衛守清切，盜乃鑿通孔道，入精舍而穴之，遂欲取寶像。漸高遠，其盜既不果，求退而嘆曰：如來在昔修菩薩行，起廣大心，發宏誓願，上自身命，下至國城，悲愍四生，周給一切。今者如何遺像，恪寶靜言於此，不明昔行像，乃俯首而授寶焉。是盜得已，尋持貨賣人，或見者咸謂之曰：此寶乃先王金佛像頂髻寶也。爾從何獲來？此鬻賣遂擒，以白王。王問所從得盜，曰：佛自與我，我非盜也。王以

大唐西域記卷十一

七

為不誠，命使觀驗像，猶俯首。王覩聖靈信心淳固，不罪其人，重贖其寶，莊嚴像髻，重置頂焉。像因俯首，以至於今。

王宮側建大廚，日營萬八千僧食。食時既至，僧徒持鉢受饌，既得食已，各還其居。自佛教流被建，斯供養子孫承統繼業，至今十數年來，國中政亂未有定主，乃廢斯業。

國濱海隅，地產珍寶，王親祠祭神，呈奇貨，都人士子往來求採，稱其福報所獲不同。隨其珠璣賦稅，有科。國東南隅有駿

勤鄧

迦山，岩谷幽峻，神鬼遊舍在昔。如來於此說駿迦經。

舊

楞伽經

說也

國南浮海數千里，至那羅稽羅洲。人卑小，長餘約三尺，人身鳥喙，既無穀稼，唯食椰子。那羅稽羅洲西浮海數千里，抓島

東崖有石佛像高百餘尺東面坐以月愛珠爲肉髻月將迴照水卽懸流滂霈崖嶺臨注谿壑時有商侶遭風飄浪隨波泛濫遂至孤島海鹹不可以飲渴乏者久之是時月十五日也像頂流水衆皆獲濟以爲至誠所感靈聖拯之於卽留停遂經數日每月隱高巖其水不流時商主曰未必爲濟我曹而流水也嘗聞月愛珠月光照卽水流注耳將非像佛頂上有此寶耶遂登崖而視之乃以月愛珠爲像肉髻尙見其人說其始末國西浮海數千里至大寶洲無人居止惟神棲宅靜夜遙望光燭山川商人往之者多矣咸無所得自達羅毗荼國北入林野中歷孤城過小邑凶人結黨作害羈旅行二千餘里至恭建那補羅國

南印度境

大唐西域記卷十一

八

恭建那補羅國周五千餘里國大都城周三十餘里土地膏腴稼穡滋盛氣序溫暑風俗躁烈形貌鰲黑情性獷暴好學業尙德藝伽藍百餘所僧徒萬餘人大小二乘兼功綜習天祠數百異道雜居

闕官城側有大伽藍僧徒三百餘人寶唯俊彥也伽藍大精舍高百餘尺中有一切義成太子寶冠高減二尺飾以寶珍盛以寶函每至齋日出置高座香花供養時放光明

城側大伽藍中有精舍高五十餘尺中有刻檀慈氏菩薩像高十餘尺或至齋日神光照燭是聞二百億羅漢之所造也城北不遠有多羅樹林周三十餘里其葉長廣其色光潤諸國書寫莫不採用林中有窠比波是過去四佛座及經行遺

迹之所其側則有聞二百億羅漢遺身舍利窣堵波也

城東不遠有窣堵波基已傾陷餘高三丈聞諸先志曰此中有如來舍利或至齋日時燭靈光在昔如來於此說法現神通力度諸羣生城西南不遠有窣堵波高百餘尺無憂王之所建也是聞二百億羅漢于此現大神通化度衆生傍有伽藍唯餘基址是彼羅漢之所建也從此西北入大林中野獸暴害羣盜凶殘行二千四五百里至摩訶刺佉國南印度境摩訶刺佉國周六千餘里國大都城西臨大河周三十餘里土地沃壤稼穡殷盛氣序温暑風俗淳質其形偉大其性傲逸有恩必報有怨必復人或凌辱殉命以讐窘急投分忘身以濟將復怨也必先告之各投堅甲然後爭鋒臨陣逐北不

大唐西域記卷十一

九

殺已降兵將失利無所刑罰賜之女服感激自死國養勇士有數百人每將決戰飲酒酣醉一人推鋒萬夫挫銳遇人肆害國刑不加每出遊行擊鼓前導復飲暴象凡數百頭將欲陣戰亦先飲酒羣馳蹈踐前無堅敵其王恃此人象輕陵隣國王刹帝利種也名補羅稽舍謀猷宏遠仁慈廣被臣下事之盡其忠矣今戒日大王東征西伐遠賓邇肅唯此國人獨不臣伏屢率五印度甲兵及募召諸國烈將躬往討伐猶未克勝其兵也如此其俗也如彼人知好學邪正兼崇伽藍百餘所僧徒五千餘人大小二乘兼功綜習天祠百數異道甚多

大城內外五窣堵波並過去四佛座及經行遺迹之所無憂

王建也自餘石輒諸窳堵波其數甚多難用備舉
城南不遠有故伽藍中有觀自在菩薩石像靈鑒潛被願求
多果

國東境有大山疊嶺連嶂重巒絕巘爰有伽藍基於幽谷高
堂邃宇疏崖枕峰重閣層臺背岩而壑阿折羅唐言阿羅漢
所建羅漢西印度人也其母旣終觀生何趣見於此國受女
人身羅漢遂來至此將欲導化隨機攝受入里乞食至母生
家女子持食來施乳便流汁親屬旣見以爲不祥羅漢說本
因緣女子便證聖果羅漢感生育之思懷業緣之致將酬厚
德建此伽藍伽藍大精舍高百餘尺中有石佛像高七十餘
尺上有石蓋七重虛懸無綴蓋間相去各三尺餘間諸先志

大唐西域記卷十一

十一

曰斯乃羅漢願力之所持也或曰神通之力或曰藥術之功
考厥實錄未詳其致精舍四周雕鏤石壁作如來在昔修菩
薩行諸因地事證聖果之禎祥入寂滅之靈應巨細無遺備
盡鐫鏤伽藍門外南北左右各一石像聞之士俗曰此像時
大聲吼地爲震動昔陳那菩薩多止此伽藍自此西行千餘
里渡耐秣陀河至跋祿羯帖昌葉婆國南印

度境

跋祿羯帖婆國周二千四五百里國大都城周二十餘里土
地鹹鹵草木稀疎煮海爲鹽利海爲業氣序暑熱迴風颭起
土俗澆薄人性詭詐不知學藝邪正兼信伽藍十餘所僧徒
三百餘人習學大乘上座部法大祠十餘所異道雜居從此
西北行二千餘里至摩臘婆國卽南羅之國

南印度境

摩臘婆國周六千餘里國大都城周三十餘里據莫訶河東南土地膏腴稼穡殷盛草木榮茂花果繁實特宜宿麥多食餅麩人性善順大抵聰明言詞雅亮學藝優深五印度境兩國重學南西摩臘婆國東北摩揭陀國貴德尚仁明敏強學而此國也邪正雜信伽藍數百所僧徒二萬餘人習學小乘正量部法天祠數百異道實衆多是塗灰之侶也國志曰六十年前王號尸羅阿迭多唐言戒日機慧高明才學瞻敏愛育四生敬崇三寶始自誕靈洎乎沒齒貌無瞋色手不害生象馬飲水漉而後飲恐傷水性也其仁慈如此在位五十餘年野獸狎人舉國黎庶咸不殺害居宮之側建立精舍窮諸工巧備盡莊嚴中作七佛世尊之像每歲恒設無遮大會招集四

大唐西域記卷十一

十一

方僧徒修施四事供養或以三衣道具或以七寶珍奇奕世方僧徒修施四事相承美業無替

大城西北二十餘里至婆羅門邑傍有陷坑秋夏淫滯彌掩旬日雖納衆流而無積水其傍又建小窰堵波聞諸先志曰昔者大慢婆羅門生身陷入地獄之處昔此邑中有婆羅門生知博物學冠時彥內外典籍究極幽微歷數元文若視諸掌風範清高令聞遐被王甚珍敬國人宗重門人千數味道欽風每而言曰吾爲世出述聖導凡先賢後哲無與我比彼大自在天婆藪天那羅延天佛世尊者人皆風靡祖述其道莫不圖形競修祇敬我今德踰於彼名擅於時不有所異其何以顯遂用赤旃檀刻作大自在天婆天那羅延天佛世尊

等像爲座四足凡有所至負以自隨其慢傲也如此時西印度有苾芻跋陀羅樓支唐言賢愛妙極因明深窮異論道風淳粹戒香郁烈少欲知足無求於物聞而嘆曰惜哉時無人矣令彼愚夫敢行凶德於是荷錫遠遊來至此國以其宿心具白於王王見弊服心未之敬然高其志強爲之禮遂設論座告婆羅門婆羅門聞而笑曰彼何人斯敢懷此志命其徒屬來就論場數百千衆前後侍听賢愛服弊故衣敷草而坐彼婆羅門距所持座非斥正法敷述邪宗苾芻清辯若流循環往復婆羅門久而謝屈王乃謂曰久濫虛名罔上惑衆先典有記論負當戮欲燒爐鉄令其坐上婆羅門窘迫乃歸命求救賢愛愍之乃請王曰大王仁化遠洽頌聲載塗當布慈育忽

大唐西域記卷十一

十一

行殘酷恕其不逮唯所去就王令乘驢通告城邑婆羅門恥其戮辱發憤歐血苾芻聞已往慰之曰爾學苟內外聲聞遐邇榮辱之事進退當明夫名者何實乎婆羅門憤恚深置苾芻謗毀大乘輕慢先聖言聲未靜地便坼裂生身墜陷遺迹斯在自此西南入海交西北行二十四五百里至阿吒釐國

南印度境

阿吒釐國周六千餘里國大都城周二十餘里居人殷盛珍寶盈積稼穡雖備興販爲業土地沙鹵花果稀少出胡椒樹樹葉若蜀椒也出薰陸香樹樹葉若棠梨也氣序熱多風埃人性澆薄貴財賤德文字語言儀形法則大同摩臘婆國多不信福縱有信者宗事天神祠館千餘所異道雜居從摩臘

婆國西北行三百里至契吒國

南印度境

與吒國周三千餘里國大都城周二十餘里人戶殷盛家室富饒無大君長役屬摩臘婆國風土物產遂同其俗伽藍十餘所僧徒千餘人大小二乘兼功習學天祠數十外道衆多從此北行十餘里至伐臘毗國

即北羅羅國南印度境

伐臘毗國周六千餘里國大都城周三十餘里土地所產氣序所宜風俗人性同摩臘婆國居人殷盛家室富饒積財百億者乃有百餘室矣遠方奇貨多聚其國伽藍百餘所僧徒六千餘人多學小乘正量部法天祠數百異道實多如來在世屢遊此國故無憂王於佛所止皆樹旌表建窣堵波過去三佛座及經行說法之處遺迹相間今王刹帝利種也即皆

大唐西域記卷十一

三

摩臘婆國尸羅阿迭多王之姪今羯若鞠闍國尸羅阿迭多

王之子婿號杜魯婆跋吒

唐言常境

性恃躁急智謀淺近然而淳

信三寶歲設大會七日以殊珍上味供養僧衆三依醫藥之價七寶奇貴之珍旣以總施倍價酬贖貴德尙賢尊道重學遠方高僧特加禮敬遠城不遠有大伽藍阿折羅阿羅漢之所建立德慧堅慧菩薩之所遊止於中制論並盛流布自此

西北行七百餘里至阿難陀補羅國

西印度境

阿難陀補羅國周二千餘里國大都城周二十餘里人戶殷盛家室富饒無大君長役屬摩臘婆國土宜氣序文字法則遂亦同焉伽藍十餘所僧徒減千人習學小乘正量部法天祠數十異道雜居從伐臘毗國西行五百餘里至蘇刺侏國

百印
度境

蘇刺侏國周四千餘里國大都城周三十餘里西據莫醯河
居人殷盛家產富饒役屬伐臘毗國地土鹹鹵花果稀少寒
暑雖均風飄不靜土俗澆薄人性輕躁不好學藝邪正兼信
伽藍五十餘所僧徒三千餘人多學大乘上座部法天祠百
餘所異道雜居國當西海之路人皆資海之利興販為業貿
遷有無去城不遠有郁鄯多山山頂有伽藍房宇廊廡多疏
崖嶺林樹鬱茂泉流交境聖賢之所遊止靈仙之所集往從
伐臘毗國北行千八百餘里至瞿折羅國西印
度境
瞿折羅國周五千餘里國大都城號毗羅摩羅周三十餘里
土宜風俗同蘇刺侏國居人殷盛家產富饒多事外道少信

大唐西域記卷十一

十四

佛法伽藍一所僧百餘人習學小乘法教說一切有部天祠
數十異道雜居王刹帝利種也年在弱冠智勇高遠深信佛
法高尚異能從此東南行二千八百餘里至鄒闍衍那國南
印

度境

鄒闍衍那國周六千餘里國大都城周三十餘里土宜風俗
同蘇刺侏國居人殷盛家室富饒伽藍數十所多以圯壞存
者三五僧徒三百餘人大小二乘兼功習學大祠數十異道
雜居王婆羅門種也博覽邪說不信正法去城不遠有宰堵
波無憂王作地獄之堵從此東北行千餘里至擲枳陀國南
印

度境

擲枳陀國周四千餘里國大都城周十五六里土稱沃壤稼

稽滋植宜菽麥多花果氣序調暢人性善順多信外道少敬佛法伽藍數十所有僧徒天祠十餘所外道千餘人王婆羅門種也篤信三寶尊重有德諸方博達之士多集此國從北北行九百餘里至摩醯濕伐羅補羅國

中印度境

摩醯濕伐羅補羅國周三千餘里國大都城周三十餘里土宜風俗同鄔闍衍那國宗敬外道不信佛法天祠數十多是塗灰之侶王婆羅門種也不甚敬信佛法從此遷至瞿折羅國復北行荒野險磧經千九百餘里渡信度大河至信度國

西印度境

信度國周七千餘里大都城號毗苦婆補羅周迴三十餘里宜穀稼豐粟麥出金銀鍮石宜牛羊驢駝驘畜之屬驪駝卑

大唐西域記卷十一

十五

小唯有一峯多出赤鹽色如赤日白塩黑塩及白石塩等異城遠方以之爲藥人性剛烈而質直數鬪諍多誹譏學不好博深信佛法伽藍數百所僧徒萬餘人並學小乘正量部法大抵懈怠性行弊穢其有精勤賢善之徒獨處閑寂遠迹山林夙夜匪懈多証聖果天祠三十餘所異道雜居王成陀羅種也性淳質敬佛法如來在昔頗遊此國故無憂王於聖迹處建窣堵波數十所烏波鞠多大阿羅漢屢遊此國演法間導所止之處皆旌遺迹或建僧伽藍或樹窣堵波往往間起可略而言

信渡河側千餘里陂澤間有數百千戶於此宅居其性剛烈唯殺是務牧牛自活無所係命若男若女無貴無賤剃鬚髮

服袈裟像類苾芻而行俗事專執小見非斥大乘聞諸先志
曰昔此地民庶安忍但肆凶殘時有羅漢愍其顛墜必化彼
故乘虛而來現大神通示希有事令眾信受漸道言教諸人
敬悅願奉指誨羅漢知眾心順爲授三歸息其凶暴悉斷殺
生剃法染衣恭行法教年代浸遠世易時移守善旣虧餘風
不殄雖服法衣嘗無戒善子孫奕世習以成俗從此東行九
百餘里渡信度河東崖至茂羅三部盧國西印
度境
茂羅三部盧國周四千餘里國大都城周三十餘里居人殷
盛家室富饒役屬磔迦國土田良沃氣序調順風俗質直好
學尙德多事天神少信佛法伽藍十餘所多已圯壞少有僧
徒學無專習天祠八所異道雜居有日天祠莊嚴甚麗其日

大唐西域記卷十一

十六

天像鑄以黃金飾以奇寶靈鑿幽通神功潛效女樂遞奏明
炬繼日香花供養初無廢絕五印度國諸王豪族莫不于此
捨施珍寶建立福舍以飲食醫藥給濟貧病諸國之人來此
求願常有千數天祠四周池沼花林甚可遊賞從此東北行
七百餘里至鉢伐多國北印
度境

鉢伐多國周五千餘里國大都城周二十餘里居人殷盛役
屬磔迦國多旱稻宜菽麥氣序調適風俗質直人性躁急言
含鄙詞學藝深博邪正雜信伽藍十餘所僧徒千餘人大小
二乘兼功習學四罕堵波無量王之所建也天祠二十異道
雜居城側有大伽藍僧徒百餘人並學大乘教卽是昔慎那
弗咀羅唐言最
勝子論師於此製瑜伽師地釋論亦是賢愛論師

瑜石頗胝水精奇珍異寶工織大錦細褐氎氍之類多善馬
驥馳貨用大銀錢人性躁暴俗無禮義文字語言異於諸國
無學藝多工伎凡諸造作隣境所重婚姻雜亂死多棄屍其
形偉大齊髮露頂衣皮褐服錦氎戶課賦稅人四銀錢天祠
甚多提那跋外道之徒爲所宗也伽藍二三僧徒數百並學
小乘教說一切有部法釋迦佛鉢在此王宮國東境有鶴秣
城內城不廣外郭周六十餘里居人衆家產富西北接排憐
國境壤風得同波刺斯形貌言語稍有乘異多珍寶亦富饒
也拂憐國西南海島有西女國皆是女人略無男子多諸珍
寶貨阿拂憐國故拂憐王歲遺丈夫配焉其俗產男皆不舉
也自阿點婆翅羅國北行七百青里至曆多勢羅國

西印
度境

大唐西域記卷十一

六

質多勢羅國周三千餘里國大都城周二十餘里居人殷盛
無大君長役屬信度國土地沙南寒風淒勁多菽麥少花果
而風俗獷暴語異中印度不好藝學然自淳信伽藍五十餘
所僧徒三千餘人並學小乘正量邵法天祠二十餘所並塗
灰外道也城北十五六里大林中有窣堵波高數百尺無憂
王所建也中有舍利時放光明是如來昔仁仙人爲國王所
害之處此東不遠有故伽藍是昔大迦多延那大阿羅漢之
所建立其傍則有過去四佛座天經行遺疑之處建窣堵
以爲旌表從此東北行三百餘里至阿耨茶國

西印
度境

阿耨茶國周二千四五百里國大都城周二十餘里無大君
長役屬信度國土宜稼穡菽麥特豐花果少草木疎氣序風

寒人性獷烈言詞朴質不尚學業然於三寶守心淳信伽藍二十餘所僧徒二千餘人多學小乘正最部法天祠五所並塗灰外道也城東行不遠大竹林中伽藍餘址是如來昔於此處听諸苾芻著亟縛窳唐言靴傍有窳堵波無憂王所建也基雖傾陷尚高百餘尺其傍精舍有青石立佛像每至齊日或放神光次南八百餘步林中有窳堵波無憂王之所建也如來昔日止此夜寒乃以三衣從覆至明且開誰苾芻著復納衣此林中之有佛經行之處又有諸窳堵波鱗次相望並過去四佛坐處也其窳堵波中有如來髮爪每至齋日多放光明從此東北行九百餘里至伐刺拏國西印度境伐刺拏國周四千餘里國大都城周二十餘里居人殷盛役

大唐西域記卷十一

十九

屬迦畢詆國地多山林稼穡時播氣序微寒風俗獷烈性忍暴志鄙弊語言少同中印度邪正兼崇不好學藝伽藍數十荒圯已多僧徒三百餘人並學大乘法教天祠五所多塗灰外道也城南不遠有故伽藍如來在昔於此說法示教利喜聞悟含生其側有過去四佛座及經行遺迹之處聞諸上俗曰從此國西接稽董那國居大山川間別立主無大君長多牛馬有善馬者其形殊大諸國希種隣境所寶復此西北踰大山涉廣川歷小城邑行二千餘里出印度境至漕矩吒國

亦謂利國

大唐西域記卷十一